

醫學指南

大錯題檢

醫學指南卷二

雙流清臣劉仕廉纂輯

同邑顏垣李培郁校正

胞弟萬里劉仕鵬校閱
門人望之張文儼校錄
門人子乾李仲元校刊
李男幼臣劉永鐘校字

傷寒

清臣曰。傷寒係屬大證。治法多端。最難分辨。冬時多感寒。人
有虛實。中有淺深。風傷氣分。寒傷血分。傷風有汗。傷寒無汗。氣虛宜扶陽出
表。血虛宜養陰出表。守定六經。無論合病併病。見病立方。對證用藥。隨手可
愈。

太陽經證。脈浮緊。頭痛項強。腰脊背痛。發熱惡寒。有汗為風傷衛。法主桂枝湯。
以驅衛分之風。桂枝白芍甘草生姜大棗。無汗為寒傷營。法主麻黃湯。以發
營分之寒。麻黃桂枝杏仁甘草。風寒二方。氣虛加參朮。血虛加歸地。陽虛加
姜附。頭身痛發熱惡寒。無汗煩燥。為風寒兩傷營衛。法主大青龍湯。營衛互
治。風寒並驅。麻黃桂枝杏仁石膏甘草生姜大棗。有汗去麻黃。不煩燥去石

膏

太陽腑證。口渴溺閉。有蓄尿蓄熱蓄血癰閉四證。蓄尿五苓散。焦朮茯苓猪苓澤瀉肉桂蓄熱去桂加滑石蓄血加生地歸尾紅花小薊萬年霜癰閉則脾脹異常愈下利脹愈加法主白蔻宣暢胸膈砂仁半夏醒脾開胃肉桂化氣桔梗開提生姜升散如壺蓋吃緊揭起則出之意使上焦得通中樞得運而後膀胱之氣一轉運而尿自出也。

陽明經證脈浮洪前額眼眶脹痛鼻衄流清涕口乾不眠發熱不惡寒法主葛根湯以解陽明之表葛根升麻白芍甘草或柴葛解肌湯柴胡葛根羌活白芷赤芍黃芩石膏桔梗甘草姜棗無太陽證去羌活無少陽證去柴胡無汗惡寒去黃芩加麻黃下利減石膏嘔吐加半夏口燥心煩汗出惡熱渴欲飲冷熱邪漸入陽明之裏法主白虎湯以撤其熱石膏知母甘草粳米。

陽明腑證便閉譫語口臭氣粗身輕惡熱熱邪已歸陽明之腑法主小承氣湯微瀉其實略開其閉大黃枳實厚樸胃實腹滿微發譫語法主調胃承氣湯。

以蕩其實而去其滿。大黃、芒硝、甘草、舌胎乾燥、噴熱如火、痞滿堅實、狂譫無倫。法主大承氣湯。急驅其陽。以求其陰。大黃、芒硝、枳實、厚樸。

少陽經證。脈浮弦。頭痛在側耳。聾脅痛。寒熱往來。法主小柴胡湯。以解少陽之表。柴胡、半夏、人參、甘草、生姜、大棗。如先寒後熱。為陽不足。加桂枝、乾姜。先熱後寒。為陰不足。加當歸、白芍。

少陽腑證。口苦、目眩、咽乾。法主黃芩。以瀉少陽裏熱。兼陽明發熱。口渴、清涼飲。生地、白芍、黃芩、柴胡、花粉、石膏、石斛、知母、甘草。痞滿去生地。加枳實。

太陰寒證。脈沉遲。吐食、腹滿時痛。自利不渴。法主理中湯。人參、焦朮、炮姜、炙甘草。加半夏、砂仁。腹滿去朮。加附子。或理脾滌飲。黃芪、焦朮、半夏、砂仁、白蔻、炮姜。

太陰熱證。脈沉實。咽乾、腹滿痛。便秘結、燥渴。法主桂枝大黃湯。桂枝、赤芍、大黃、枳實、檳榔、柴胡、甘草、生姜。或大承氣湯。

少陰寒證。脈沉細。背寒、踈臥、咽痛、腹痛、肢冷下利。法主附子湯。附子、人參、焦朮、茯苓、白芍。或附子溫經湯。黃芪、焦朮、半夏、砂仁、炮姜。故紙、益智、倍附子。

少陰熱證。脈沉數。心煩口燥。咽乾咽痛。燥渴便結。法主六一順氣湯。枳實厚樸。芒硝。大黃。柴胡。黃芩。白芍。甘草。或大小承氣湯。

厥陰寒證。脈沉細。肌冷甲青。舌短胎滑。小腹滿痛。法主六味回陽飲。人參附子。熟地。當歸。炮姜。炙草。或舒氏方。黃芪。焦木。半夏。砂仁。炮姜。附子。吳萸。花椒。厥陰熱證。脈沉弦。舌捲囊縮。煩燥厥逆。消渴便硬。法主六一順氣湯。或大承氣湯。

凡病不外六經。以六經之法。合而治之。無不立應。一經見證。即用一經之法。經證腑證兼見。即當表裏兩解。若太陽與陽明合病。桂枝湯中加葛根。陽明與少陽合病。葛根湯中加柴胡。如三陽併病。羌葛柴並用。三陽與三陰表裏同病。是為兩感。表裏皆熱。九味羌活湯去蒼朮。加柴葛硝黃。表裏皆寒。大溫中飲加附子。凡治諸病。總以正病為主。兼證為佐。引經為使。乃為上乘。

灸傷寒穴道

太陽證灸風府

陽明證灸內庭

少陽證灸臨泣

太陰證灸隱白

少陰證灸太谿

厥陰證灸中封

過經不解灸期門

餘熱不盡灸曲池三里合谷風門行間

身熱足冷灸大都

腹痛灸委中

瘟疫

清臣曰瘟疫與傷寒判別天淵傷寒宜辛溫發散瘟疫宜清涼攻下傷寒邪從皮毛而入中於肌膚瘟疫邪從口鼻而入伏於膜原瘟疫世不常有要街衢市鎮里巷鄉村沿門傳染方為瘟疫今人指傷寒熱病春日溫病為瘟疫誤人不少千古治法惟吳又可戴麟郊深知其義學者宜詳察焉

瘟疫初起先寒後熱熱後不寒舌胎純白邪在膜原也達原飲檳榔厚樸知母黃芩白芍草果甘草竹心車前腰背項痛邪溢太陽也加羌活眉棱骨痛邪溢陽明也加葛根寒熱口苦邪溢少陽也加柴胡

汗出不徹而熱不退白虎湯虛渴加人參

斑出不透而熱不退舉斑湯當歸炒芍白芷柴胡升麻甲珠生薑汗斑並行而

熱不除。白虎合舉斑湯。

胸膈痞滿。嘔渴頻煩。舌胎黃色。邪傳裏之上部也。萊菔子、淡豆豉、生梔仁。頻服取吐。

燥結便閉。舌胎純黑。或生芒刺。邪傳裏之中下部也。大承氣湯。痞滿便不結。小

承氣湯。不痞滿止便結。調胃承氣湯。

表裏證悉去。熱仍不退。膜原之邪未盡也。三消飲。即達原飲。加羌活、葛根、大黃。

經絡之氣為熱所鬱。必致發黃。茵陳蒿湯。茵陳、梔子、大黃、生姜。

熱邪干於血分。必致蓄血。桃仁承氣湯。

當下失下。呃逆不止。大承氣湯。加桃仁、歸尾、赤芍。

當下失下。循衣摸牀。捉空理綫。元氣將脫也。黃龍湯。人參、熟地、當歸、枳實、厚樸、

芒硝、大黃。

下後邪氣復聚。承氣養榮湯。生地、當歸、白芍、知母、枳實、厚樸、大黃。

下後無汗發熱。人參白虎湯。

下後自汗盜汗發熱。柴胡湯。柴胡、黃芩、葛根、陳皮、甘草、姜、棗。

下後熱不除。柴胡清燥湯。柴胡、黃芩、花粉、知母、陳皮、甘草、姜、棗。

下後神虛膽語。清燥養榮湯。生地、當歸、白芍、知母、花粉、陳皮、甘草、硃砂、燈心。

下後奪氣不語。人參養榮湯。人參、當歸、熟地、白芍、知母、陳皮、麥冬、五味、甘草。

下後虛痞。參附養榮湯。生地、當歸、白芍、人參、附子、生姜。

病愈復發。脈虛證虛。安神養血湯。熟地、當歸、炒芍、茯神、陳皮、棗仁、遠志、桔梗、甘

草、桂元。

附應下諸證

舌黃 舌乾 舌捲 舌短 舌黑 舌生芒刺 鼻如烟煤 胸腹滿脹

脈厥體厥 揚手擲足 譫語 發狂 煩燥 昏沉 呃逆

補遺瘟疫雜證

大頭瘟。頭面浮腫。普濟消毒飲。黃芩、黃連、元參、藍根、馬勃、陳皮、柴胡、桔梗、大力、連翹、姜、蠶、薄荷、升麻、甘草。氣虛加人參。便實加大黃。

發頤瘟耳前後腫。荆防敗毒散。加大力。外二味拔毒散。明雄白礬研末。茶調敷。捻頸瘟。喉痺失音。頸大腹脹。蝦蟆瘟。腹不脹。均用荆防敗毒散。加大力。外三妙散。明雄白礬火稍研吹。

瓜瓢瘟。胸高脅起。嘔血如汁。生犀散。犀角、黃連、花粉、人中黃、蒼朮、陳壁土。氣虛。加人參、便閉加大黃。

楊梅瘟。偏身紫塊。忽發微瘡。三黃湯。生地、赤芍、元參、大黃、人中黃、黃連、丹皮、滑石、甘草。渴加石膏、葛根。

疙瘩瘟。發塊如瘤。偏身走痛。人中黃散。人中黃、雄黃、硃砂研末。桔梗、薄荷、甘草煎湯下。便閉加大黃。

葡萄瘟。青紫斑點。狀若葡萄。羚羊散。羚羊角、生地、元參、麥冬、黃芩、知母、銀花、姜蠶。大力、羌活、防風、甘草、竹葉。

錦霞瘟。渾身斑疹。痛癢非常。犀角飲。犀角、大力、赤芍、生地、荆芥、防風。渴加石膏、粉葛。

扣頸瘟。痰火迷心。袖繩欲縊。香附、鬱金、雄黃為丸。以開膈中之鬱。再加二陳。以祛膈中之痰。更加羌活、細辛、鬼箭羽、丹參、赤小豆。通心瀉火。自愈。
軟脚瘟。弱清泄白。足腫難移。白虎湯加蒼木。

以上除扣頸瘟、軟脚瘟外。皆風寒包火。凝聚三陽。使經絡不通。激成赤腫。宜外風散寒。內清邪熱。通用敗毒散。加減毒盛加硃砂。以瀉君火。重加人中黃。以瀉臟熱。赤腫甚者。針去惡血。此專言瘟疫熱證也。

斑疹

清臣曰。傷寒斑疹。由於失表。瘟疫斑疹。由於失下。傷寒出斑最險。瘟疫出斑亦危。色紅者吉。色黑者凶。發在周身者輕。發在心窩者重。出肌膚間如花瓣。不刺手為斑。出肌膚外如粟粒刺手為疹。有陰毒、陽毒之分。陽毒宜舉宜化。陰毒宜溫宜散。

凡出斑疹。邪在經而不在胃。治以正病為主。斑疹為輔。脈洪手足溫。斑點紅赤。且大為陽斑。脈微手足冷。斑點淡紅且隱為陰斑。

陽斑犀角地黃湯加升麻紫草或黃連解毒湯加犀角元參升麻甘草或消斑湯元參麥冬各一兩丹皮錢五升麻白芷錢二白芥沙參錢二陰斑陽虛附子理中湯陰虛附子理陰煎陰陽並虛大溫中飲

感冒

清臣曰冒風感寒有傷風傷寒兼火兼食血虛氣虛陰虛陽虛之別按病立方隨手奏效

感冒有汗為傷風加味桂枝湯桂枝羌活防風白芍甘草姜棗氣虛加沙參感冒無汗為傷寒加減麻黃湯麻黃羌活防風紫蘇甘草姜葱血虛加生地感冒兼火沖和靈寶飲生地川芎羌活防風葛根白芷柴胡黃芩石膏薄荷甘草姜棗

感冒兼食行氣香蘇散香附紫蘇陳皮川芎麻黃羌活烏藥枳殼甘草姜葱有汗去麻黃加桂枝因溼加蒼朮食重加山楂神麴感冒屬血虛四物合小柴胡湯加桂枝

感冒屬氣虛。補中湯。加羌防。白芷。

感冒屬氣血兩虛。八珍湯。去焦朮。加黃芪。酒炒羌活。防風。桂枝。

感冒屬陰虛。理陰煎。加麻絨。柴胡。

感冒屬陽虛。理中湯。加麻絨。柴胡。

感冒屬陰陽兩虛。大溫中飲。

瘧疾

清臣曰。瘧疾有四。曰風。曰寒。曰痰。曰食。因風寒。痰食。客於半表半裏。陰陽相搏。為寒為熱。而瘧疾成。治法。無汗。務使出汗。有汗。務要收汗。有風者。消風。有寒者。散寒。有痰食者。化痰消食。表邪重者。先解表。裏邪重者。先解裏。熱多宜涼。寒多宜溫。久瘧宜補。不可純用攻伐。

風瘧。熱多寒少。有汗。桂枝湯。加羌防。半夏。或小柴胡。倍人參。加桂枝。白芍。寒瘧。寒多熱少。無汗。麻黃湯。加羌防。半夏。生姜。或附子理陰煎。加柴胡。麻黃。痰瘧。寒熱並增。痰涎湧盛。小柴胡。加枯礬。白芥。或理脾滌飲。加葶藶。白芥。

食瘧寒熱相半。痞滿惡食。小柴胡。加蒼朮。萊服。青皮。草果。或清脾飲。焦朮。茯苓。半夏。青皮。柴胡。黃芩。厚樸。草果。甘草。紅米。生姜。

瘟疫。先熱後寒。加減桂枝湯。桂枝。白芍。石膏。知母。甘草。粳米。或生地。首烏。黃芩。柴胡。二母。滑石。甘草。

瘧瘧單熱不寒。加減白虎湯。生地。石膏。麥冬。知母。貝母。黃芩。柴胡。甘草。竹心。車前。或首烏。當歸。沙參。陳皮。柴胡。知母。貝母。石膏。甘草。竹心。

牝瘧。單寒不熱。加味麻桂飲。熟地。當歸。麻黃。肉桂。陳皮。炙草。燒姜。或桂附理中湯。加苓。夏。

瘧夾瘟疫。加減達原飲。檳榔。厚樸。草果。知母。黃芩。柴胡。蒼朮。陳皮。半夏。茯苓。麥芽。炙草。生姜。便閉。加大黃。

間日三日夜發。四物。合小柴胡。加升麻。或生地。當歸。川芎。黃柏。知母。升麻。甜酒。一日二三發。附子理中湯。或六君子湯。并加升柴。

脾虛久瘧。補中湯。倍人參。加苓。夏。煨姜。或六君子。加草果。烏梅。

腎虛久瘧。八味丸加首烏、鱉甲。或右歸丸加首烏、鱉甲。

瘧入三陰。久瘧不止。附子理中。加砂半、草果。或經驗方黃芪、焦朮、茯苓、當歸、首

烏、玉竹、附子、炮姜、草果、炙草、姜棗。

元氣大虛。久瘧不止。十全大補湯加鱉甲。或濟川飲。條參、北芪、焦朮、熟地、當歸、
棗仁、附子、肉桂、燒姜、桂元。

瘧疾三方

第一方。陳皮、半夏、茯苓、靈仙、蒼朮、厚樸、黃芩、柴胡、青皮、檳榔、炙草、生姜、井水、河水煎。頭痛加白芷一方。加烏梅、茵陳。

第二方。首烏、生鱉甲、知母、焦朮、當歸、靈仙、柴胡、黃芩、陳皮、茯苓、炙草、生姜、甜酒、井水、河水煎。

第三方。人參、焦朮、黃芪、當歸、陳皮、柴胡、升麻、炙草、姜棗、熟地、加首烏、知母、寒、加附子、炮姜。

截瘧

宋西橋方。新筆調硃砂。於餅上寫天火燒太陰。地火燒太陽。五雷靈不滅。燒斷諸不祥。重寫三次。後錄病人姓名。預前食。自止。

袁子才方。勃瘧勃瘧。四山之神。使我來縛。六丁使者。五道將軍。收汝精氣。攝汝神魂。速去。速去。免逢此人。發時朗誦不斷。即止。

神應瘧疾丸。白砒兩。菜豆子兩。研末。糊丸。菜豆大。明雄水飛為衣。壯者五丸。小

兒三丸。預前冷水下。忌熱物半日。即止。

沙糖飲。白糖兩。燒酒半。臨發時盪滾。盡量調飲。加紅米研末尤效。

灸瘧疾穴道

大椎 三椎 間使 命門 譙善 至陰 太谿 脾俞

又病人仰臥。草量兩乳。平中折斷。從乳比至下頭盡處是穴。男左女右。灸三壯。

痢疾

清臣曰。痢有四端。一曰陷邪。一曰時毒。一曰秋燥。一曰滑脫。初起多屬濕熱。

歷久多屬虛寒。行血則便膿自止。調氣則後重自除。赤傷血分。白傷氣分。赤白並行。氣血兩傷。屋漏糜腐。險危宜慎。

陷邪者。六經之邪。陷入而為痢也。宜分經用藥。病在三陽。人參敗毒散。加芩、葛、硝、黃。病在三陰。砂半理中湯。加附子、吳、萸。

時毒者。厲疫流行。人觸之而為痢也。宜寬腸下滯。大承氣湯。加歸、芍、芩、連、桔、梗。或濟川飲。當歸、白、芍、檳、榔、厚、樸、黃、芩、知、母、萊、服、大、黃、滑、石、甘、草。

秋燥者。秋分後燥。金主氣。大感之而為痢也。宜養陰潤燥。舒氏方。生地、阿膠、麥冬、各二、桔梗、甘草。錢各五。或生地、阿膠、瓜蒌、桔梗、雞子黃。

滑脫者。脾腎陽衰。中氣下陷而為痢也。宜溫補收瀉。真人養臟湯。人參、焦、朮、炒、芍、肉、桂、附子、廣香、肉蔻、訶子、粟殼、甘草、燒姜、棗子。或黃芪、焦、朮、半夏、砂仁、炮姜、附子。故紙、益智。

赤白相雜。救絕神丹。當歸、白、芍、各一、滑石、錢三、枳殼、檳榔、錢各二、萊服、錢半、廣香、甘草。

錢各一。薤子、錢七。或調血湯。當歸、白、芍、陳皮、黃連、大黃、廣香、甘草、車前。

單紅不白。調血飲。當歸、白芍、枳殼、黃連、地榆、木通、滑石、甘草。或當歸、赤芍、地榆、槐花、黃連、大黃、紅花、燈心。

單白不紅。附子理中。加砂半、丁香。或異功散。加芍、砂、姜、桂、滑脫。加升柴。

噤口痢。熱證。參連飲。人參、黃連、吳煖水炒石蓮、甘草糯米。加沙糖、白蜜、姜汁。漿服汁。

冲服寒證。砂、薤六君。加炮姜。

統治紅白。禁口。於痢用大蒜、薤子。合搗為丸。每服三錢。立愈。

初起宜下。鏡花緣方。蒼朮、杏仁、羌活、雨生軍、熟軍、雨川烏、甘草。各兩研末。

每服四錢。小兒二錢。孕婦忌服。赤痢、燈心湯下。白痢、生薑湯下。赤白痢、燈心

生薑湯下。

下後宜調。歸芍煎。當歸、白芍、滑石、檳榔、枳殼、廣香、甘草、薤子。赤痢加紅米。白痢

加炮姜。

寒者宜溫。附子理中。加砂半。故紙、吳萸。

虛者宜補。四君子。加黃芪、山藥、砂仁。